

gebeyn begraben etc.

Die gebeine Joseph / welche die kinder Israel hatten aus Egypten bracht / Josephs begruben sie zu Sichem / in dem Stück feldes / das Jacob kauft von den Kindern Hemor / des vaters Sichem / vmb hundert grosschen / vnd ward der Kinder Joseph Erbteil. Gen. 23.

Eleasar der son Aaron starb auch / vnd sie begruben in zu Gibeon seines sons Eleasar. Arbet.  
Pinchas / die im gegeben war auff dem gebirge Ephraim.

Ende des Buchs Josua.

Das Buch der Richter.

I.

*Handwritten note:* Nach Josua vnter VDA



Nach dem tod Josua fragten die kinder Israel den HERRN / vnd sprachen / Wer sol vnter vns den Krieg führen wider die Cananiter? Der HERR sprach / Juda sol in führen / Siehe / Ich hab das Land in seine hand gegeben. Da sprach Juda zu seinem bruder Simeon / Zuech mit mir hinauff in meinem los / vnd las vns wider die Cananiter streiten / So wil ich wider mit dir ziehen in deinem los / Also zoch Simeon mit im.

*Handwritten note:* AdoniBeseck

Da nu Juda hinauff zoch / gab im der HERR die Cananiter vnd Pheresiter in ire hende / vnd schlugen zu Beseck zehen tausent Man. Vnd funden den AdoniBeseck / zu Beseck / vnd stritten wider in / vnd schlugen die Cananiter vnd Pheresiter. Aber AdoniBeseck flohe / vnd sie jagten im nach / Vnd da sie in ergriffen / verhieben sie im die daumen an seinen henden vnd füßsen. Da sprach AdoniBeseck / Siebenzig Könige mit verharvenen daumen irer hende vnd füße lasen auff vnter meinem Tisch / Wie ich nu gethan habe / so hat mir Gott wider vergolten. Vnd man bracht in gen Jerusalem / daselbs starb er.

*Handwritten note:* Jerusalem erobert.

Aber die kinder Juda stritten wider Jerusalem / vnd gewonnen sie / Vnd schlugen sie mit der scherffe des schwerts / vnd zündten die Stad an. Danach zogen die kinder Juda erab zu streiten wider die Cananiter / die auff dem Gebirge vnd gegen mittag vnd in den gründen woneten. Josu. 10. 15.

*Handwritten note:* Caleb. Athniel.

Vnd Juda zoch hin wider die Cananiter / die zu Hebron woneten (Hebron aber hies vorzeiten KiriathArba) vnd schlugen den Sesai vnd Ahiman vnd Thalmal / Vnd zoch von dannen wider die einwoher zu Debir (Debir aber hies vorzeiten KiriathSepher.) Vnd Caleb sprach / Wer KiriathSepher schlegt vnd gewinnet / dem wil ich meine tochter Achsa zum Weibe geben. Da gewan sie Athniel / der son Kenas des Calebs jüngster bruder / Vnd er gab im seine tochter Achsa zum weibe. Vnd es begab sich / da sie einzoch ward ir geraten / das sie fordern solt einen Acker von irem Vater / Vnd fiel vom esel. Da sprach Caleb zu ir / Was ist dir? Sie sprach / Gib mir einen Segen / Denn du hast mir ein Mittagsland gegeben / Gib mir auch ein wesserigs. Da gab er ir ein wesseriges oben vnd vnten. Achsa. Josu. 15.

Vnd die kinder des Keniters Mose schwager zogen erauff aus der Palmenstad / mit den kindern Juda in die wüsten Juda / die da ligt gegen mittag der stad Arad / vnd gieng hin vnd wonet vnter dem Volck. Num. 10. Exo. 15.

VND